



Grad Sarajevo
City of Sarajevo

Bosna i Hercegovina
Federacija Bosne i Hercegovine
Kanton Sarajevo
Grad Sarajevo
GRADONAČELNIK

Broj: 01/10-11-1281/26

Sarajevo, 18.02.2026. godine

Na osnovu člana 13. stav (2) Pravilnika o kriterijima za finansiranje javnog interesa Grada Sarajevo u oblasti sporta ("Službene novine Kantona Sarajevo", broj: 4/26), Gradonačelnik Grada Sarajeva putem Gradske službe za obrazovanje, sport, kulturu i mlade (u daljem tekstu: Služba) objavljuje:

OTVORENI PROCES PRIJAVA

za dostavljanje obavještenja/informacija o postignutim vrhunskim sportskim rezultatima u toku godine

Grad Sarajevo, putem nadležne Službe, objavljuje Otvoreni proces prijava za dostavljanje obavještenja/informacija o postignutim vrhunskim sportskim rezultatima u toku 2026. godine. Otvoreni proces prijava je sastavni dio procedure za provođenje Javnog poziva za dodjeljivanje nagrada klubovima za ostvarene vrhunske sportske rezultate na međunarodnim takmičenjima (u daljem tekstu: Javni poziv).

Pravo prijave imaju Organizacije u sportu, odnosno sportski klubovi, koji imaju sjedište na području četiri gradske općine (Stari Grad, Centar, Novo Sarajevo i Novi Grad).

Otvoreni proces prijava omogućit će da klubovi tokom cijele godine dostavljaju obavještenja/informacije o postignutim rezultatima, nakon čega će Grad Sarajevo, krajem godine objaviti Javni poziv na kojem će moći učestvovati:

- klubovi koji su dostavili obavještenje/informaciju u toku Otvorenog procesa prijava;
- klubovi koji u toku Javnog poziva postignu vrhunski sportski rezultat.

Pravo na dodjelu novčane nagrade imat će klubovi, čiji su takmičari ostvarili vrhunska sportska dostignuća i to:

- Osvojili medalju na olimpijskim/paraolimpijskim igrama,
- Osvojili medalju na svjetskom ili evropskom seniorskom prvenstvu u olimpijskom/paraolimpijskom sportu,
- Osvojili medalju na svjetskom i evropskom seniorskom prvenstvu u neolimpijskom sportu koji u Bosni i Hercegovini ima tradiciju dužu od deset godina,
- Ostvarili olimpijski/paraolimpijski rekord, te rekord na svjetskom i evropskom seniorskom prvenstvu,

Adresa: Hamdije Kreševljakovića 3
71 000 Sarajevo
Tel.: +387 33 407 443
Fax: +387 33 208 341
Email: grad@sarajevo.ba
Web: www.sarajevo.ba



- Osvojili zlatnu medalju, odnosno prvo mjesto na svjetskom ili evropskom seniorskom prvenstvu u neolimpijskoj disciplini olimpijskog sporta/neolimpijskoj disciplini paraolimpijskog sporta.

U svrhu prijave potrebno je da klubovi dostave sljedeću dokumentaciju:

- Obavještenje/informaciju o postignutom rezultatu u formi izjave/dopisa (na memorandumu kluba i ovjerenu od strane kluba);
- Potvrdu o postignutom rezultatu (izdata od strukovnog saveza) koja treba da sadrži podatke o vrsti takmičenja, postignutom rezultatu, datumu i mjestu održavanja takmičenja, rang, konkurenciji i kategoriji).
- U slučaju da klub ostvari vrhunski sportski rezultat u toku Javnog poziva, dužan je uz prijavu, dostaviti i prethodno navedenu dokumentaciju, koja će biti propisana i tekstom Javnog poziva.

Evidenciju dostavljene dokumentacije vršiti će Služba, a istu će dostaviti Komisiji za obradu i analizu pristiglih prijava na Javni poziv.

Javnim pozivom bit će detaljnije definisani kriteriji koji nisu obuhvaćeni tekstom Otvorenog procesa prijava.

Ukoliko klub ostvari više vrhunskih rezultata na različitim nivoima takmičenja, a prethodno o tome obavijesti Grad Sarajevo putem Otvorenog procesa prijava, visina nagrade bit će utvrđena na osnovu jednog rezultata i to onog koji je postignut na najvećem rang.

Visina novčane nagrade bit će utvrđena na osnovu nivoa takmičenja i ostvarenog rezultata na istom, a u skladu sa Pravilnikom o kriterijima za finansiranje javnog interesa Grada Sarajevo u oblasti sporta ("Službene novine Kantona Sarajevo", broj: 4/26).

Nagrada za ostvareni vrhunski sportski rezultat može se dodijeliti samo jednom u toku godine, a nakon okončane procedure Javnog poziva.

Otvoreni proces prijava za dostavljanje obavještenja/informacija o postignutim vrhunskim sportskim rezultatima u toku godine bit će objavljen na stranici Grada Sarajevo (www.sarajevo.ba).

GRAD SARAJEVO
GRADONAČELNIK

Samir Avdić, s.r.
